

قلب العمر

شعر: سارة زيادة

جميع حقوق الطبع محفوظة للناشر والمؤلف

الطبعة الأولى

١٤٣٦ هـ - ٢٠١٥ م

٢٠١٥/٢٧٧٧٣	رقم الإيداع
978 - 977 - 776 - 161 - 1	الترقيم الدولي

لوحة الغلاف والتنسيق الداخلي والإخراج

إسلام حامد

دار يسطرون للطباعة والنشر - مصر - القاهرة

الجيزة: شارع الملك فيصل - المطبعة - تليفون - ٠١٢٢٩٣٠٠٠٢٩

إهداء

أهدي حروفي لرفيق دربي

لأولادي فبهم ولهم أحيا

لأخوتي فدونهم عالمي ظلام

لأصدقائي فمن نبضهم اسنم قلمي النبض

لصديقتي ونوام روجي فهي مرآتي التي تعكس لي الحقيقة

للحبيبة كلمات ليست كالكلمات ففيها تعلمت وما زلت أنعلم

كيف أنسخ الحرف

لقلمي فهو يحمل بين طياته كل هؤلاء

سارة زيادة

قراءة في ديوان قلب القمر

للشاعرة سارة زياده

هذا هو الديوان الأول للشاعرة سارة زياده الذي عنونته باسم قصيدتها "قلب القمر"... نقول فيها :

"القلب كان زي الطيور
فارد جناحه في السما
رفرف على جناح الهوى
يبدر حنين ينزل مطر
يروى قلوب العاشقين"

انسياب الكلمات دون تكلف واختيار الصورة الخيالية المعبرة لما يجيش في صدر الشاعرة يبدو جليا كما لمستهُ خلال قراءتي .
تقول في (الضياع) معاتبة القلب والعقل معا:

"القلب تاه ، والعقل تاه
والليل كئيب من غير قمر
ازرع حنين أجني حجر"
وتقول الشاعرة في (مولود حزين) ملقبة الضوء على ما آل إليه
حال المجتمع الذي نعيشه الآن:

"قالوا ليه أول ما شفنا
ضل يبكي ليل نهار
ولسه ما شاف قسوة منا
لسة ما داق المرار
م البشر ومن الظروف
اللي ينهش
.....واللي ينتش
واللي يسرق من عيونك
ضحكتك"

في الغش والخداع تقول الشاعرة في قصيدة (دبلان يزرع الحب):

كف الصديق مش دفا	"خسارة يا مرايتي
والضحكة ضحكة غش	طلعتي كدابة
حبك صبح دبلان	عكسالي دنيا بنور
مرسوم حنان عل الوش"	مصبوغ سماها سواد
	واصلها غابة

الشاعرة سارة زياده في قصيدة (موج ونار) عرضت الفكرة عرضاً شاعرياً منمقاً يبدو فيه صدق العاطفة واضحا مما زاد النص عذوبةً وجمالاً تقول:

ويهمسلي بلهفة وحب	"ما بين قلبي وبين البحر
ما بين الموجة والثانية	كثير اسرار
راح اغسل كل اوجاعك	فرد موجة وخذني جوه
فاضت عيني دموع حارة	احضانه
ما بين كفيه	وقادت جوه روحه النار
دموعي مرار وحتزود مرارك	يضم القلب كالعاشق
ليه	بيسنتي حبيبته بشوق
همس ملحي حيثحلى	يوشوشني بحنيه
ما دام انتي اللي حتطيه"	ما بين الشمس والمية

تقول في وصف اليأس الذي تراه وليدا للقسوة وفي ذات الوقت
تدعو للتمرد عليه ايذانا بيزوغ الامل .

"متربطة بخيوط حرير
متكتفة ف قلب السكات
محبوسة ليه في ليل طويل
و الجاي صورة من اللي
فات

تنتقل الشاعرة من حالة لأخري منصاعةً للخيال فتقول في مناجاة
الحبيب:

"حروف اسمي يا مرسومة
بحبر حزين
وموشومة على ضلوعه
شمال ويمين

الى:

"إذا روعي
على الممشى رماها الريح
وكان ليل البعاد طول
بلاش تنساه
ولو بعيونك الحلوة
تتاجيني ومتلقنيش
متزلشي وقول لسه
ياناس بهواه
في براح تاني يضم الكون
ويستناك

وراح يبقى في صدى موته انا للموت منيش هائية
بيتمناك يا ريت تدعيلي من قلبك
حبيبي خلاص وانا غايبة"

لاغرّو أن الشاعرة سارة زيادة تتمتع بموهبة عالية كما يتبين لنا من القراءة وإذا كانت المحسنات البديعية التي تزين النص بألوانها المختلفة كالطباق والمقابلة والجناس والتورية وحسن التقسيم والترادف إلى غير ذلك ، وإذا كان الخيال يلعب الدور الأساسي في رؤى الشاعر مستخدماً فيه المجاز والاستعارة بشقيها والتشبيه دون تكلف حتى تأتي صورته في خدمة المعنى والهدف وليست عبئاً تعاني حملاً القصيدة فإن ديوان قلب القمر للشاعرة سارة زيادة اشتمل هذه الخصائص ويبقى لها صقل هذه الموهبة بالدراسة المتأنية والمثابرة على ضبط ايقاع القصيدة حتى تأتي على خير مايرام لاسيما أنها شاعرة موهوبة ولاجدال في ذلك متمنيا لها كل التوفيق .

الشاعر عزالدين خلاف
عضو اتحاد كتاب مصر

الصبية أم الضفاير

أحلى وردة بقلب حابر
راسمة على الوش ابتسامه
صورة مطبوعة ف مرآة
شايقة قدامي صبية بالضفاير
الخدود مكسية حمرة م الخجل
قلب داب في حضن قلبه
والعيون نجمات بتلمع بالأمل
كنت راسمة لطيفه صورة
في الخيال
أحلى فارس جاي راكب
فوق حصان
جاي شاييل بين ايديه
ورد مروى بنور عينيه

والكلام من قلبه ايه
لحن صب ف روعي شوق
يعلا بالأحاساس لفوق
منه مش عايضة افوق
كنت نفسي الوقت يجري
والساعات
كنت بستتى يجيني
في حلمي ثاني
والكفوف النونو تلمس
حتى كفه من سكات
بالغرام جاي يدق ببيان
حياتي
تسكن الأفراح آهاتي
نفسى اكبر له بسرعة

ليه تمر ساعاتي مره
شمس روعي في قلبه طالعة
السنين مرت وعدت
فكت ضفايرها وكبرت
صورتني ساكنة جوه منها

من سنين

جتها شايلى قلبي دايب م الحنين
أقول لروحها انت مني
تقول لقلبي انت ليا
انت نوري اللي ف عنيا
دبت دوب انا بين كفوفه
دمعي سايل من كسوفي
ومن كسوفه
تهت ثانية

رجعت اشبع من حنانه
لقيتني وحدي وقلبي طاير من جنانه
قلبه غايب مش معايا
رحت اجري على المرايا
لقيتني لسه صغيرة
وعمري لسه في اوله
بين رموشي
شفت صورته لسه فيا
والضفاير هيا هيا
والخدود لسه صبية
رحت اغمض عيني تاني
وادعي عمري يعدي بيا

أعیش ازای

أعیش ازای وانا لوحدي

یا ضی العین بعید عنک

واعیش ازای ودنیتنا

تعاندي وبتعانديک

وکل دقة من قلبي بتتدهلك

ومین غیرک حیسقینی الحنان دافی

ومین غیرک حیغزل فی أوصافی

ومین غیرک راح یضم القلب

وَيَمْسَحُ كُلَّ دَمْعِ الْعَيْنِ

وَيَكْفُوهُ يَطْبُطِبُ لِي

عَلَى كَتَافِي

الحلم الجميل

النائي بيعزف غنوته وياه بدوب

والنظرة في عيونه ندى

تروي القلوب

حبيته والله يا ناس

وهو محبنيش

شقيت سكون الليل

وأنا بأصرخ آهات

طلع النهار وفاتني

دايب من سكات

نطق السكات لما لقي

الحلم الجميل في القلب مات

والشمس مدت كفها
تمسح على شعري الحرير
والأرض فرشت وردها
وقالتلي تسلم خطوة القد الجميل
والزرع الأخضر قالني أوعي تزعلي
يا أم القوام ملفوف دايب فيكي أنا
لو كنت منه لكنت بدرت
كل سنين عمرك هنا
ورسمت بايدي على الشفايف
والخدود ميت وردة حلوة ملونة
وعبيرك اللي ملوهش زي يملا الوجود
يا وردة نادية مفتحة لى أحلى عود

قلب القمر

قلب كان ماشي حزين

وف سكته في قلب إتعتز

شاور بايده عل القمر

قام حس أنه شيء عظيم

يؤمر يطاع مش يؤتمر

راح أمر

أنه يطلع السما

يسكن كمان قلب القمر

أخذه أوام طلع السما

وعطره بضي القمر

غمض عيونه وإفتكر

أنه خلاص

بقى في النعيم

صدق أوام أنه الحبيب

المنتظر

وما بين ايديه

سرحت عيونه الولهانين

في عيون شايفها

غير عيون كل البشر

القلب كان زي الطيور

فارد جناحه في السما

رفرف على جناح الهوى

يبدر حنين

ينزل مطر

يروى قلوب العاشقين

شايف نجوم الليل

بتبصله ومتبسمة

لملم جناحه لأجل يحضن

حلم نفسه يحلمه

لسه النجوم بتبصله

عايزة تصرخ

تشده

تحضنه

وتحذره

وتقوله حاسب م الخطر

بلاش تقرب م الشرر

مسمعش ليهم الكلام

قرب أوام من قلب كان

فاكره نصيبه والقدر

وبضحكة عالية مجلجة

راح حادفه من سابع سما

وعشان غشيم

ومطلعش عمره للقمر

وقع بسرعة.....وانكسر

وهو بيغمض عنيه

زاحف لقبره المنتظر

شق السكون صوت من بعيد

وكأنه جاي من قلب

مصنوع من حجر

ركز شوية في الكلام

فسر أوام معنى الكلام

مين اللي قالك

راح تعيش لحظه سعيد

وليه تصدق

ان طريق الحب أمان

وانه خالي م الخطر

خلاص كذا خلاص الكلام

وآدي حكاية قلب كان

نفسه يفرح حبتين

فكر ثواني أنه يعيش

زي البشر

أو يطلع في أحلامه

البريئة للقمر

دموع الليل

القلب الاخضر صبح

دبلان على عوده

افتح ببيان الامل

يقفلها بجحوده

مكسور وزاد الميل

متقطعة وروده

ترويه دموع الليل

ما يوفي بوعوده

ضياع

القلب تاه....والعقل تاه

والليل كئيب من غير قمر

والضلمة شاقة قلبي ليه

أزرع حنين

أجني حجر

أصل طريق الحب

سكته مهيش سمر

مهيش ايدين ناعمة

تمدك بالدفا

ولا حضن مفروش بالقبل

طريق الحب كله خطر

خطر

خطر

المزاد

ألا أوناألا دويألا تريه

يا الا يا هانم ...بص يا بيه

فتحنا المزاد

قلب للبيع

مين يشتري قلبي مني بتلجه ودفاه

وفوق البيعة عمري معاه

حد أشتري؟

مين قال أنا ؟

طيب بلاش

ايه رأيكوا لو زدنا في البيعة الألم

وسنين عذاب ... وسنين عدم

وعيون حزينة مرغرة

بالف دمة والف آه

مين اللي ناوي يشتري؟

عندي كمان لقا وفراق

وكتير فرح ويا اشتياق

وحلم ضاع من سكتة

ووش راهن ضحكته

وعمر اتسرق منه ساعاته وفرحته

مين قال أنا برضه مفيش

طب اسمعوا

معدش عندي يا بشر

غير عرض واحد حأعرضه

وبعدھا حأقفل خلاص باب المزاد

شايفين دموعي اللي بقت زي السحاب

دي ببلاش

ومشاعر القلب اللي داب

برضه ببلاش

طب أقولكوا

كلي ببلاش

العمر اللي عدى بكل ما فيه

والباقي اللي جاي

مين فيكوا ناوي يشتريه ؟

حد اشترى ..مين قال أنا ؟

محدث ناوي يشتري

الكل تاه

رجعت خلاص في البيعة يا ناس

نوبت قلبي يفضل معايا خلاص

دورت كتير على مين يشتريه

ملقتش أحن مني عليه

راح أسكن قلبي وأعيش أداويه

ألا أونا ...ألا دوي ...ألا تريه

قفلنا المزاد

خيط الحرير

متربطة بخيوط حرير

متكفة ف قلب السكات

محبوسة ليه في ليل طويل

و الجاي صورة من اللي فات

في الروح مرار كل السنين

و القلب مشقوق حنتين

النص غرقان في الالم

والنص بره الضلع مات

أنا مين؟

أنا مين والا ايه؟

أنا الكلمة وعكسها

أنا الفرحة وحزنها

أنا قلب طفل وشعر شايب

أنا نجمة عالية

بيلتقي فيها الحبايب

أنا ضحكة سارحة

ودمعة جارحة

وخطوة تايهه والدليل

أنا الصبح وليل طويل

أنا النور في عيون ضريير

أنا الحر اللي اتسجن
بين حيطان من حرير
أنا ضحكة عالية
في قلب نازف من الالم
أنا في جب غاير
وفوق سفح الهرم
أنا قلب عاشق اندبح
يوم ما اتولد من الف أيد
أنا نهر حب في قلب
مصنوع من حديد
أنا مين والا أيه؟
أنا كل اللي انت فكرت فيه

ليل المواجه

ليل المواجه خيط

ملفوف على توبي

قلبي لا حي ولا مات

دفناه في محبوبي

يا حب بحرك غريق

وانا قلبي مش عوام

قائدة في جوفي نار

وعيونني ما بتتام

من يوم ما قلبه غاب

عشش في نوري ضلام

تصرخ ساعاتي تثن

و روعي دايبه غرام

سواقي الحنين بتدور

والقسوة طحناني

يا مر دمع الشوق

نار هجره محاوطاني

كل الليالي دفا

وانا ليلي وحداني

بفكر فيك

بفكر فيك وانا جنبك وقلبي معاك

بفكر فيك وانا ساكنه في نين العين

وانا دايبية في سحر هواك

بفكر فيك وانا صاحبة

وفي الأحلام بكون وياك

بفكر لما تضحكي

وانا حاضنة النجوم وياك

بفكر والهوى قاتلني وانا الجاني

وبسرح في البعاد وحدي

وبغرق جوه احزاني

بفكر لما اغنيك

وافكر لما تندهلي

واجري بسرعة واجيلك

بفكر وسط احزاني

عشان صورتك تواسيني

بفكر فيك عشان افرح

عشان قربك بيحييني

بفكر فيك عشان انت ساكن قلبي

وحبك نار في شراييني

بفكر فيك

خاريف

في قلب العتمة كثير باتشد

الروح بتعافر

تبعد شبح الخوف الكافر

ترفرف زي العصفور

بجناح مكسور

وقت مايزحف بره الضلمة

يعدي السور

يلقى قصاده شبكة صد

ترسى في يوم

على شط امان

في قلوب مش سد

علشان خايفة جبال النور

جوه الروح في ثواني تتهد

والا القلب الصافي

يموت جواه المد

ف ارجع تاني

لنفس النقطة الضلمة

وحيدة اتشد

تاه الكلام

تاه الكلام في طريق طويل مليون الم
مات الغرام في حزن قلب كثير ظلم
والقلب داب ولا يوم أنينه معاه فرق
ساعة ينجرح وساعة يرقص م الفرح
دبلان حزين وبكلمة حلوة تلاقي

قلبه من السعادة بينفتح

لف الغمامة فوق عنيه

اخرس آهاته فارقة ايه؟

بكره دموعه حتداويه

ولا يفكر انه اتجرح

فوق الشفايف نابطة ضحكة من جديد

مروي أنينه بالفرح

وفي عز ضلمة سكته

راح يلقى شجر النور طرح

ضل النور

حروف أسامينا مرسومه

بضل النور

على لوحة جدار مايل

في آخر سور

بصوت مبوح..

بتتده للخطاوي تحن

أتاري الخطوة مكسوره..

تملي تئن

بنتقدم يادوب خطوة

ونرجع للورا خطوات

نعيش الخوف بلحظاته

وهيا تمر بينا ساعات

براح بيضيق

وفيه بنكون

على وش الحياه عايشين..

كما الأموات

حاجات ومحتاجات

جوه القلب فيه حكايات

وكمان حاجات ومحتاجات

حاجة حلوة وحاجة مرة

فيه تدين وانفلات

تسكنه الآهات ليلا تي

وجرحه نازف للمات

فرحة ساكنة في الثواني

ويسكن الحزن الساعات

قائدة جوه القلب نار

وانصهار

حتى صوتي والسكات

ناس تعشش جوه روعي

وناس في قلبي بقت رفات

هيا دي كل الحكايه

أعمل أيه

أبكي على العمر اللي جاي

وألا أندم على اللي فات

حبه نار

حد فيكو نفسه يعرف

هوا عندي بيقى ايه

هوا نقطة نور في ضلمة

هوا جنة ف قلب نار

هوا صاحبي واحلى لمة

هوا حلالي المرار

لما عينه ليا تضحك

ببقى ليل الكون نهار

لما كفه يمس كفي

ببقى قلب الثلج نار

دبلان يا زرع الحب

خسارة يا مرايتي

طلعتي كدابة

عكسالي دنيا بنور

مصبوغ سماها سواد

واصلها غابة

كف الصديق مش دفا

والضحكة ضحكة غش

حبك صبح دبلان

مرسوم حنان عل الوش

أهلا يا دنيا الوفا

والغدر ماليكي

مزروعة ليه بالجفا

والحب مش فيكي

يا قلب شد الحيل

اثبت دا أنا عارفك

كيف النخيل واقف

والآهه مش هزأك

ولا لحظه راح تتحني

والدنيا مش كسراك

حلمي تكوني وأكونك

حلم نفسي أحلمه

فوق جبين الشمس

حأطلع وأرسمه

قلت ويا الحلم آآآآه

مع صرختي بتتولد

مليون حياة

نفسى حلمي يكون معاه

هو آخره ومبتداه

صوت آهاتي شق الكون

سمعه قلبه

قالي لأجل رمشك

كل هم الكون يهون

حلمي شمس تلون الايام معاه

بالف طعم والف لون

حلمي تكوني وأكونك

تزرع الأشواق في قلبي

وأرسم الأفراح في كونك

تبقى ليا نور يلالي

وأبقى نجمة في ليل سكونك

حلمي تكون أنت عشاني

تكونلي حلم مينتهيش

حلمي تكون أنت معايا

وجوه حلمي معاك أعيش

لسه حلمي منتهاش

فيه حاجات مقلتهاش

حلمي قلبك أسمعاه يقولي بحبك

ولما أهمسلك بحبك

دوغري تحضني بعيونك

حلمي تكوني وأكونك

حلو ومر

يحاصرني ليه؟؟

وفيها إيه

طب ما أنت واخده على الحصار

وانت اللي رحتي براح عنيه

عشان تدوبي في بحر حبه ليل نهار

روحي اسأليه

أيوه اسأليه

قوليله ليه تخلي عيني تبكي منك؟

وليه توصل قلبي اللي حبك للدمار؟

قوليله بحباك

وانت ليا شمس طالعة في ليلي تضوي

وقمر سمايا في النهار

حيقول بتهزي

أيوه بهزي طب أعمل ايه؟

بيقولي نفسي تكوني ليا

ما أنا كلي ليك

وروحي فيك

وقلبي اللي كنت بخاف عليه

برضايا حطيته في ايديك

وبعت كل الناس عشان بس أشتريك

طب قولي ليه

تزرع الحزن بإيديك

سكر ودايب أنا بأسقيك

صاحب في روعي المر ليه

وأنا قلبي ليك الشوق ماليه

وهبت باقي العمر ليك

وصلبت روعي ما بين عينيك

بقولك ايه

كل اللي عندي كلمتين

مش باقي مني الا قلب

ومقسوم حنتين

لسه عايز تشتريه؟

شيطان الشعر

شيطان الشعر عمره ما تاب ولا حيتوب

شيطان عاشق حروف الليل

مع نهاره ودايب دوب

شيطان الشعر كانه ملاك

واقف عل المدنه بأشعاره

ينادي هناك بعلو الصوت

بجنة حرفه وبناره

يلف يدور على العشاق

يوسوس للقلوب الدايبية م الاشواق

ويسكن قلب قمرية

ويرسم عل الحيطان حروف

يقراها شاعر واعر

ويلضمها من غير خوف

يعطرها باحساسه

يدوبها في قلوب ناسه

يخلي الجي والرايح يقول الله

على المكتوب في كراسه

شيطان الشعر دايب دوب

وعمره لأجل عين الحرف

ما حتعرف شمس قلبه غروب

شيطان الشعر عمره ما تاب ولا حيتوب

طريق الشوك

أنا الساكن جوه نين العين

أنا العاشق

وأنا المحبوب

أنا اللي دونت

كلام الحب في عيونك

وأنا اللي على الورق مكتوب

أنا اللي رسمت

مليون ضحكة لشفافيك

وأنا موجوع

وأنا الماشي في سكة

شوق كوياني

وأنا عارف طريق الشوك

ما منه رجوع

غيرة

يا اللي دوقتوا الحب قبلي

انصحوني أعمل ايه

بعشقه وبدوب ف حبه

باعده وبغير عليه

كل يوم يعرفلي واحدة

وقلبي مش مالي عنيه

بلاش تقولوا ايه جراك

واسألوني بشك ليه؟

ابتدت الهدايا تكثر

وابتدا يدلعني اكثر

وابتدت انا حيرتي تكبر

ايه جراه حمله ايه؟

وابتديت اشك فيه

حتقلولي وفيها ايه

فيها لما وهو جمبي

تملي ساكت

عينه سارحة

وابتسامه فوق شفايه

اساله مالك يا قلبي

دوغري بينزل عينه

واما افتش يوم هدومه

والا المس مرة فونه

القاء في ثانيه قام جنونه

وصوته الهادي ف لحظة يعلا

وتشاوري كمان ايديه

كنت بعمل فيها هادية

واعمل اني ست عاقلة

واجري ادلع عليه

كنت حاسة بست تانية

وانه عايش قصة تانية

قلبه بيتغير ف تانية

لسه برضوا حتسألوني

انت ليه بتشكي فيه

نفسي يحس بنفس حيرتي

والا يقدر مرة غيرتي

يا اللي حسيتو بمصيبتي

انصحوني اعمل ايه

ألف وش

عيش يا قلبي

راح تصادف

ناس بتلبس الف وش

اللي عامل فيها صاحبك

يضحك الضحكة في وشك

بس تحت الضحكة غش

كنت بحبك

كنت بحبك أيوه أنا كنت

زعلان ليه من كلمة كنت

حقولها كتير

كنت وكنت وكنت وكنت

كنت بحب حياتي في قريك

كنت بلملم فرح الدنيا

وأرميه في حضنك

عشت سنيني كلها ليك

عشت عشانك

كنت الضي في عتمة ليك

كنت نهارك

كنت وكنت

عمر عيونك انت ما هانت

بس انا هنت

خنت كل وعودك ليا

وعمري ما خنت

حأبكي عليك العمر الباقي

اصلك كنت

لما بتعند

بكره اسمك

واكره قلبي الساكن جسمك

بكره اشوفك

واكره طيفي العاشق طيفك

بكره روعي

وهيا بتصرخك بال آآه

واكره نفسي لما تحن

للحلم اللي احنا حلمناه

بكره قلبي الفارد ضله

جناح للحب من غير لا
بكره نسمة صبحي التايهه
واكره روعي ورقة قلبي
لما تعافر علشان حبك
يبقى حياااه

لم جدائلي

لف الشعر بحبل الود

ارسم صورتني في نين عنيك

لملم نور الشمس عشاني

وابدر عشقي نجوم حواليك

قول أنا وانت خمائل طارحة

واغزل قلبي بوح الفرحة

وامسح دمعتي من ع الخد

وردي الدبلان تحييه ايديك

واملا الكون بعبير الورد

قلبي الشقي خبيه في وريدك

قوله حبيبي انا صاين العهد

موج ونار

ما بين قلبي وبين البحر كثير اسرار

فرد موجه وخذني جوه احضانه

وقادت جوه روحه النار

يضم القلب كالعاشق

بيستتي حبيبته بشوق

يوشوشني بحنيه

ما بين الشمس والمية

ويهمسلي بلهفة وحب

ما بين الموجة والتانية

راح اغسل كل اوجاعك

فاضت عيني دموع حارة

ما بين كفيه

دموعي مرار وحتزود مرارك ليه

همس ملحي حيثطلى

ما دام انتي اللي حتطليه

حورية وساكنة انسية

تلمم دمع ايامها

في أحضاني هنا بترمييه

غسلت القلب في المية

وقلت خلاص نسيت كل اللي بتخبويه

مسحت الهم ونسيته كانه ما كان

رجعت لدنيتي تاني

لقيت قمر السما سهران

في حضن الليل مستني وطيفه معاه

راسلي ملامحه وعيونه في كل مكان

يا موج البحر رجعني

اعيش باقي السنين وياك

تشيل الدمع من عيني

تدوبني في سحر هواك

مولود حزين

قالوا ليه أول ما شفنا

ضل بيكي ليل نهار

ولسه ما شاف قسوة منا

لسة ما داق المرار

لسة يا ابني راح تشوف

م البشر ومن الظروف

اللي ينهش

.....واللي ينتش

واللي يسرق من عيونك ضحكتك

واللي راح تندم ليلا تي

انك وهبته محبتك

واللي تصاحبه بقلب طيب

ويسود هو دنيتك

واللي يخون

واللي راح عليه تهون

اصبر شويه

حوش دموعك للي جي

بكرة مش مفروش بضئ

بكرة جاي ومعاه دموعه

دمع يكفي كل حي

مين كان يقول

مين كان يقول اني أنادي

في يوم على قلبه

ومسمعش فيه رد النداء

مين بعد ايده الطيبة

راح يمسح الدمع الحزين

فوق الخدود كيف الندى

بعد الغياب

مسحت من على خد القمر

حلم حلمته وياه من سنين

فوق الرمال

تاھت خطوتي ويا خطاوي

المحرومين

نفسی ترجع تترسم

ضحكة حلوة مجلجلة

في عيون قلبي الحزين

مين كان يقول؟

ناس وناس

ناس حباننا وناس كرهانا

وناس زعلانا اننا عايشين

ليه الحب وليه الكره

وليه القسوة

مش فاهمين

لحظة عشق وعند سنين

فرح وضحك

بكى وأنين

وادينا بنقول اننا عايشين

جُوم الليل سهرانه

نجوم الليل سهرانه بتتفض

عن قلوبها الهم

وشمس الصبح غرقانة في احزانها

والقمر عتمة ونوره ما تم

وانا وحدي في حزن الليل

على وتر الالم بعذف آهاتك يا نغم

ومش راضة الهموم تتلم

نداء

يا قلم
اكتب على كفي
كل اللي معرفتوش
فسر من الاحلام
حتى اللي محلمتوش
ارسم طريق الامل
فيه الجمال مفروش
اهمس بكل الكلام
اللي قلبي مسمعهوش
وانت يا سن القلم
اصرخ بعلو الصوت
شخبط كمان على الوجع
اللي ما راضي يموت

هذيان ليلي

فيه ناس في الليل

بتغمض عينها تعيش الحلم

تمر الثانية وهما يحسوا

الثانية سنين

وفيه ناس عاشقين

ساكنين نجماية في حضن الليل

في الهوى دايبين

وفي ناس تانين

بتحاول تنسى اللي واجعها

وأتاريهم عاملين ناسين

وآدي ناس هريانة من المكتوب

ماتت أحلامهم جواهم

عاشين الدنيا بالمقلوب

وقمر مشتاق

ودموع عشاق

ولقا وفراق

وقلوب مليانة غنا وموواويل

وأنا وانت حبيبي لوحدينا

في حضن الليل

ولسه بعافر

حروف اسمي يا مرسومة

بحبر حزين

وموشومة على ضلوعه

شمال ويمين

منيش عارفة لغير قلبه

راح اشكي لمين

وجع روعي ببوحي سنين

يا قلب حبيبي طمني

انا قلبي ماليه الخوف

اقابل ربي بذنوبي

على توبي

على كفي

على كتابي اللي مال م الحمل

مئات والوف

انا عارفة بان الموت

محاوطنا ف خطاويننا بكاس جبيري

لكن هيباه

امانه عليك اذا روعي

على الممشى رماها الريح

وكان ليل البعاد طول

بلاش تتساه

ولو بعيونك الحلوة

تتاجيني ومتقنيس

متزعلشي وقول لسه

ياناس بهواه

في براح تاني يضم الكون ويستناك

وراح يبقى في صدى موته بيتمناك

حبيبي خلاص

انا للموت منيش هايبة

يا ريت تدعيلي من قلبك

وانا غايبة

الفهرست

م	القصة	الصفحة
١.	إهداء	٣
٢.	الصبيّة أم الضفاير	٩
٣.	أعيش ازاي	١٣
٤.	الحلم الجميل	١٥
٥.	قلب القمر	١٧
٦.	دموع الليل	٢٣
٧.	ضياع	٢٥
٨.	المزاد	٢٧
٩.	خيطة الحرير	٣١
١٠.	أنا مين؟	٣٣
١١.	ليل المواجه	٣٥
١٢.	بفكر فيك	٣٧
١٣.	تخاريف	٣٩
١٤.	تاه الكلام	٤١
١٥.	ضل النور	٤٣
١٦.	حاجات ومحتاجات	٤٥
١٧.	حبه نار	٤٧
١٨.	دبلان يا زرع الحب	٤٩
١٩.	حلمي تكوني وأكونك	٥١
٢٠.	حلو ومر	٥٥
٢١.	شيطان الشعر	٥٩

٦١	طريق الشوك	.٢٢
٦٣	غيرة	.٢٣
٦٧	ألف وش	.٢٤
٦٩	كنت بحبك	.٢٥
٧١	لما بتعند	.٢٦
٧٣	لم جدايلي	.٢٧
٧٥	موج ونار	.٢٨
٧٩	مولود حزين	.٢٩
٨١	مين كان يقول	.٣٠
٨٣	ناس وناس	.٣١
٨٥	نجوم الليل سهرانه	.٣٢
٨٧	نداء	.٣٣
٨٩	هذيان ليلى	.٣٤
٩١	ولسه بعافر	.٣٥